

我有一個夢

向陽

我有一個夢

夢見咱做夥開墾這片土地

溪水倚靠堅強的高山

花草，由南向北一路開放

無邊的平原稻穗起舞

連綿的岸，思慕著海洋

我有一個夢

夢見咱同齊關心這片土地

不准廢水、烏煙污染家園

無憂齊頭，鋸仔凌遲樹林

疼惜天頂飛的鳥水底游的魚

疼惜囡仔，老人連厝返

我有一個夢

夢見咱厝陣衛護這片土地

提愛心，拍開仇恨的枷牢

抱希望，行離鬱卒的暗房

醒過來就是萬里無雲的天

和平的花蕊散放久長的清芳

1990.2.20 台北